

Broj: 101-6297/19 DŽS~~615~~
Zenica, 24.04.2019. godine

Na osnovu člana 69., stav 2., tačka (d), člana 70., stav 1.,4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-6295-1/19 DŽS od 24.04.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku separisane jalovine za investicione projekte 2019/2020

I

Poništava se postupak javne nabavke separisane jalovine za investicione projekte 2019/2020 iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-5011/19 BS od 28.03.2019. godine.

Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma. Procijenjena vrijednost javne nabavke bez uračunatog PDV-a je 49.990,00 KM.

Dana 29.03.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-151-3-27/19 objavljena je i tenderska dokumentacija.

Poziv za preuzimanje tenderske dokumentacije broj: 713-5011-2/19 BS od 29.03.2019. godine upućen je sljedećim ponuđačima:

1. Špic beton d.o.o. Zenica
2. Komgrad – Ze d.o.o. Zenica
3. JATA GROUP d.o.o. Srebrenik

Na osnovu Izvještaja o preuzimanju tenderske dokumentacije od strane ponuđača od 23.04.2019. godine u 11:41 sati, utvrđeno je da su sljedeći ponuđači preuzeli tendersku dokumentaciju:

1. BBS Europe
2. E kapija d.o.o.
3. Trgošped d.o.o. Kakanj
4. Almy d.o.o. Zenica
5. Špic beton d.o.o. Zenica
6. Komgrad – Ze d.o.o. Zenica

Rok za dostavljanje ponuda je bio 15.04.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude, i to:

1. Špic beton d.o.o. Zenica
2. Almy d.o.o. Zenica

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 24.04.2019. godine direktoru preduzeća dostavila Izvještaj o radu broj: 716-6296/19 DžS od 24.04.2019. godine sa preporukom o poništenju postupka za nabavku separisane jalovine za investicione projekte 2019/2020.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nema neblagovremeno zaprimljenih ponuda
- ukupno 6 (šest) ponuđača je preuzelo tendersku dokumentaciju sa portala javnih nabavki.

Dana 15.04.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji. Komisija je izvršila i provjeru računске ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-6295/19 DžS od 24.04.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju, konkurentskog zahtjeva za dostavu ponuda broj: 713-5011-1/19 BS – Nabavka separisane jalovine za investicione projekte 2019/2020, a tokom preliminarnog pregleda i ocjene prispjelih ponuda, Komisija je utvrdila, da je u ponudi ponuđača Špic beton d.o.o. Zenica, cijena za predmetnu nabavku 139.600,00 KM bez obračunatog PDV-a, niža za više od 20 % od cijene drugorangirane prihvatljive ponude, 205.800,00 KM bez obračunatog PDV-a, te je na osnovu navedenog, ispunjen uslov obaveznog traženja pojašnjenja cijena iz prethodno citiranog člana Uputstva za pripremu modela tenderske dokumentacije i ponuda.

Slijedom navedenog, a u skladu sa članom 66. Zakona o javnim nabavkama ("Službeni glasnik BiH", broj: 39/14), i članom 17. Uputstva za pripremu modela tenderske dokumentacije i ponuda ("Službeni glasnik BiH", broj: 90/14) ponuđaču Špic beton d.o.o. Zenica je upućen zahtjev za obrazloženje cijene ponude sa rokom do 22.04.2019. godine.

Ponuđač u ostavljenom roku nije dostavio traženo objašnjenje ponude zbog čega se, u skladu sa članom 66., stav 1. Zakona o javnim nabavkama, odbacuje ponuda ponuđača Špic beton d.o.o. Zenica.

Cijena ponude ponuđača Almy d.o.o. Zenica u iznosu od 205.800,00 KM znatno premašuje procijenjenu vrijednost robe iz Odluke o pokretanju postupka za ovu javnu nabavku, zbog čega se ista odbacuje kao neprihvatljiva, a na osnovu člana 68., stav 4., tačka (j) Zakona o javnim nabavkama BiH.

Shodno prethodno navedenom, Komisija je u skladu sa odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom dala Preporuku da se poništi postupak nabavke separisane jalovine za investicione projekte 2019/2020 iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d), Zakona o javnim nabavkama

U postupku ocjene provedenog postupka, Direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

 DIREKTOR:
Pašalić Emir
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon.postl.
- 1 x Pom.dir.za tehn.postl.
- 1 x Pom.dir. za razvoj i investicije
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a